

'Ia ora
na nā
Esetonia
atu!



'O Margo 'e 'o Paolo māua. I teie matahiti tē rātere nei māua 'ati a'e i te ao nei nō te ha'api'i nō ni'a i te mau tamari'i a te Atua. 'A haere mai nā muri ia māua i tō māua tere i Esetonia!



'O Tallinn teie, te 'oire pū nō Esetonia. E 800 tī'ahapa matahiti tō teie 'oire! E rave rahi mau vāhi 'ōviri, mai te mau uru rā'au 'e te mau 'aere, i Esetonia. Inaha 'ua hau i te 'āfara'a o Esetonia, e uru rā'au ana'e. E rave rahi ta'ata i Esetonia tei au e hāhaere nā roto i te nātura.



Teie te parau « 'Ia ora na » nā roto i te reo Esetonia:

Tere!

'E teie te 'ioa o te 'Ēkalesia:

Viimse Aja Pūhade Jeesuse Kristuse Kirik



Tei te mau pae Europa 'apato'erau 'o Esetonia. 'Ua hau i te 2 000 motu i reira. Fātata i te 1,3 mirioni ta'ata e ora nei i Esetonia.



E aha te mā'a i te pō i Esetonia? Tē vai ra te pu'a'a, 'aita ana'e te 'ia vineta 'e te 'ūmara pūtētē, te pota, te ū pa'ari 'ava'ava 'e te faraoa 'ere'ere. E parauhia te reira te sprat sandwich.



E mea nā'inda'i te 'Ēkalesia i Esetonia, e mea pūai rā. E tauasini tī'ahapa melo o te 'Ēkalesia. Te hiero piri a'e ia rātou, tei Helsinki 'ia, i Finelani.



E mea au ānei nā 'outou e hīmene i te Paraimere? I te mau pae matahiti ato'a, e putuputu te mau Esetonia nō te hō'ē 'oro'a rahi fa'ahanahanara'a i tō rātou fenua ma te hīmene 'e te 'ori.

E ta'ata ānei 'oe nō Esetonia? 'A pāpa'i mai ia māua! E au roa māua 'ia fa'aro'o atu ia 'outou.

Māuruuru nō te haerera'a mai nā muri ia māua i Esetonia. 'A pārahi!



Fāreireira'a e piti tuahine nō Esetonia mai!



I te hō'ē pō, 'ua hina'aro vau e haere e ta'oto, 'ua mo'e rā ta'u pea ha'avare. 'Ua 'imi au iāna, 'aita rā i 'itehia mai. 'Ua pure atura vau. 'Itehia mai nei ta'u pea 'e 'ua ta'oto maitā'i au.
Bianka J., 7 matahiti



E mea au nā tō'u 'utuāfare e tāvini i te ta'ata. E tauturu te tāvinira'a ia tātou 'ia putapū i te Vārua Maitā'i, 'o tē fa'atae mai i te hō'ē mana'o māhanahana nō te hau. E hāmani māua tō'u tuahine i te tahi mau tao'a hōro'a nā te ta'ata, nō te mea e mea au nā māua 'ia 'ite rātou ē, 'ua herehia rātou.
Piibe J., 10 matahiti